



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02 -11-4-1562-5/23  
Datum: 11.05.2023.godine

Na osnovu člana 23. stav (3) tačka h) i 24. stav (2) i (3) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivnu nabavku hrane za službene pse za potrebe Uprave policije, imenovane Rješenjem broj: 02/5-1-30-1-1019 od 22.02.2023. godine, u postupku javne nabavke hrane za odrasle službene pse, putem otvorenog postupka, zamjenik policijskog komesara Uprave policije Ministarstva unutrašnjih poslova Kantona Sarajevo, d o n o s i:

## **ODLUKU**

### **O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA**

#### **I**

Prihvata se preporuka Komisije za sukcesivnu nabavku hrane za odrasle službene pse i okvirni sporazum za javnu nabavku hrane za odrasle službene pse za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- INTER-COM d.o.o. Zenica za ponuđenu cijenu od 44.772,00 KM bez PDV-a.

#### **II**

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

#### **III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču INTER-COM d.o.o. Zenica po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

#### **IV**

Izabrani ponuđač INTER-COM d.o.o. Zenica dužan je da u roku od 5 (pet) dana od dana prijema ove odluke dostavi dokaze navedene u tački 14. tenderske dokumentacije, a koje se odnose na član 45. stav (2) tačka od a) do d).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

#### **V**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

## Obrazloženje

Na osnovu Odluke broj: 02-11-4-1562/23 od 14.03.2023. godine, Obavještenja o nabavci broj: 16475-1-1-15-3-71/23 od 20.03.2023. godine, proveden je otvoreni postupak javne nabavke hrane za odrasle službene pse za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-1562/23 od 17.04.2023. godine, za aktivno učešće u postupku dostavljene su ponude ponuđača Agrinatura d.o.o. Sarajevo - Hadžići i INTER-COM d.o.o. Zenica.

U pristiglim ponudama Komisija je prilikom pregleda i ocjene ponuda utvrdila postojanje računске greške u ponudi ponuđača Agrinatura d.o.o. Sarajevo - Hadžići.

Aktom Sektora za materijalno-finansijske poslove Uprave policije Ministarstva unutrašnjih poslova, broj: 02/6-11-4-1562-4/23 od 25.04.2023. godine, upućen je zahtjev za ispravku utvrđene računске greške u skladu sa jediničnom cijenom, s obzirom da se jedinična cijena ne može smatrati greškom i ne može se ispravljati.

Ponuđač Agrinatura d.o.o. Sarajevo - Hadžići je svojim aktom, broj: 01-04-0310/2023 od 26.04.2023. godine obavijestio da je saglasan da se izvrši ispravka računске greške u ponudi broj: 01-04-0284/2023 od 17.04.2023. godine na način kako je ukazano u dopisu broj: 02/6-11-4-1562-4/23 od 25.04.2023. godine. Nakon toga aktom, broj: 01-04-0311/2023 od 26.04.2023. godine ponuđač Agrinatura d.o.o. Sarajevo, Hadžići je povukao prethodno datu saglasnost za ispravku računске greške, a dana 28.04.2023. godine zaprimljen je dopis advokata Damira Katice, u ime klijenta - ponuđača Agrinatura d.o.o. sa obrazloženjem računске greške, navodeći da je "evidentno da je greška bila tehničke prirode kod upisa jedinične cijene u Aneksu III", kao i da na tu "činjenicu ukazuje stvarno iskazana volja ponuđača u ostatku ponude gdje se jasno vidi da je obračun konačne cijene sačinjen prema jediničnoj cijeni od 4,50 KM."

Komisija za sukcesivnu nabavku hrane za službene pse za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-1562-4/23 od 11.05.2023. godine, kojim je utvrdila sljedeće:

- da zbog uočene računске greške u obrascu za cijenu ponude ponuđaču Agrinatura d.o.o. Sarajevo, Hadžići je upućen zahtjev za ispravku računске greške. Ponuđač je prvo pisanim putem prihvatio ispravku računске greške, pa potom povukao datu saglasnost, a nakon toga dostavio dopis advokata Damira Katice sa obrazloženjem računске greške. Imajući u vidu navedeno, a budući da je članom 17. stav (5) Uputstva za pripremu modela tenderske dokumentacije i ponuda ("Službeni glasnik BiH", broj 90/14, 20/15), kao i samim Obrascem za cijenu ponude (Aneks III) na stranici označenoj brojem 5. u ponudi ponuđača Agrinatura d.o.o. Sarajevo - Hadžići kao i tačkom 37. tenderske dokumentacije, određeno da se jedinična cijena stavke ne smatra greškom, odnosno da se ne može ispravljati, te u slučaju razlika između jediničnih cijena i ukupnog iznosa da će se ispravka izvršiti u skladu sa jediničnom cijenom, Komisija je ocijenila da ponuđač Agrinatura d.o.o. Sarajevo, Hadžići nije prihvatio ispravku računске greške.

S obzirom da ponuđač Agrinatura d.o.o. Sarajevo, Hadžići nije pisanim putem prihvatio ispravku računске greške, ponuda navedenog ponuđača nije pravilna u skladu sa članom 2. stav (1) tačka 1) podtačka 3. Zakona o javnim nabavkama BiH („Službeni glasnik BiH“ broj: 39/14 i 59/22), te se shodno članu 68. stav (4) tačka g) Zakona o javnim nabavkama BiH („Službeni glasnik BiH“ broj: 39/14 i 59/22) ponuda ponuđača Agrinatura d.o.o. Sarajevo, Hadžići odbacuje.

- da ponuda ponuđača INTER-COM d.o.o. Zenica sadrže sve elemente tražene tenderskom dokumentacijom, odnosno da ispunjavaju sve formalno-pravne i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

Komisija je utvrdila da je u postupku podnesena samo jedna prihvatljiva ponuda:

- INTER-COM d.o.o. Zenica sa konačnom ukupnom cijenom ponude od 44.772,00 KM bez PDV-a.

te postupajući u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda broj: 02-11-4-1562-4/23 od 17.04.2023. godine riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

**ZAMJENIK POLICIJSKOG KOMESARA**  
**Glavni inspektor**

**Fatmir Hajdarević**

**Dostaviti:**

1. Komisiji za sukcesivnu nabavku baterijskih uložaka
2. Ponuđačima x 2
3. Odjeljenju za odnose s javnošću, radi objave na web stranici ovog organa
4. a/a